


Sowa-Mamatun maka Kahumbu



Sinama

Sowa-Mamatun maka Kahumbu

Sinama

This story is a well known origin story for Siasi island.

Magsukul ni si Bapa' Aspar Biral, si Bapa' Jarail Kabe, si Bapa' Kalisto Kabe, maka ni si Bapa' Miral Kabe for sharing their knowledge of the story.

Story compiled by Luke Schroeder of Kauman Sama Online and edited by Ruth Aida Biral Schroeder of Kauman Sama Online.

Illustrated by Elmo Anggilan and colorized by Vanjoy Sanchez.

More Sinama stories can be found in the Library Sinama:

<http://library.sinama.org> <fb.com/library.sinama> [Library Sinama Playstore App](#)

More about Sama culture as well as more educational downloads can be found on the [Sinama.org website](http://sinama.org).

Like us on Facebook: <fb.com/sinama.org>


Find us on Youtube: <youtube.com/sinama>




Kauman Sama Online

Kissa itu min awal jaman pasal dakayu' lahat ma t'ngnga' tahik Sulu. Dakayu' pū' iya maka būdna. Aheka' pū'-pū' ma katilibutna paglahatan bangsata. Saga lahat buwat Laminusa, Punungan, Buli' Kullul, maka Manubal. Ta'nda' isab min dambila'na Būd Pandami, Siganggang maka Lapak.

Bay ma masa awal mbal kapaglahatan e' manusiya' pū' itu. Saguwa' ma buwattina'an takilātam na ma ōnna Siasi.







Ma waktu halam gi' agon aniya'
a'a maglahat ma M'ddas, ya
da'ira Siasi, aniya' kayu nunuk
aheya tabāk ma bihing-tampe,
min dambila' pū' Tara.

Ma kayu nunuk itu aniya' maglahat sattuwa aheya niōnan sowa-mamatun.
Sowa-mamatun itu dakayu' sowa bo' isab sali' naga sabab aniya' tape'na.

Angkan mbal agon makapaglahat saga manusiya' ma Siasi pasal bang aniya' kumpit palabay ma tausan ma t'ngnga' Siasi maka Tara magtūy nileyang e' sowa-mamatun ī' bo' binowa ni tampe sampay talarak e'na kumpit ī'. Sowa-mamatun ī' sali' spring. Tape'na masi palebod ma kayu nunuk bo' kōkna palebod ma kumpit sapantun naylor ma kolengan.






Pila bahā' heka kumpit maka a'ana bay takakan e' sowa-mamatun ī!
Angkan bang aniya' pak'tta, palawak sigām min Tara pasal nilengkongan kumpit sigām e' sowa-mamatun.


Nsa' na ma buwattina'an kayu nunuk ma tampe inān, hāt lowang la'a takapin ma bay po'on nunuk maka gamutna.

Sogo' ilu masi tapi' kumpit aheka' pat'nna' ma deyo' tahik magsekot maka bay pat'nna'an kayu nunuk.




Ma'ase' Magpapanjari ma manusiya'. Bang bay aheka' sowa-mamatun atawa minsan pat'ggol sowa-mamatun ilu, halam to'ongan maga'a Siasi. Min kawasa Tuhan isab pinabeya' e'na sattuwa tahik, sattuwa aheya to'ongan, niōnan kahumbu. Palabay ma tausān kahumbu inān minsan duma'in ka paglabayan saga kahumbu. Jari paglabay kahumbu inān, an'pput iya pariyata'.

Na, ta'nda' kahumbu ī' e' sowa-mamatun. Angaluwa isab sali'
kumpit kahumbu inān angkan magtūy nileyang e' sowa-mamatun.
Pagleyangna, takopkop e'na baran kahumbu ī'.
Na, magkosog-kosogan na sigām.




Bang angosog kahumbu paragan ni dilaut, tabowa pat'ppak diyata' kayu nunuk ni tahik pasal ilu kaleboran
maka tape' sowa-mamatun. Bang sowa-mamatun angosog pahella' ni tampe, tabowa isab pabangun nunuk ī'.



Ma kahinapusanna angosog kahumbu palangi ni
dilaut bo' angosog isab sowa-mamatun pahella'
ni tampe. Patondok kayu nunuk ī'.

Tahinit baran sowa-mamatun.
Tahublut gamut kayu nunuk ī'.
Ab'kkat sowa-mamatun.
Amatay isab kahumbu', ab'kkat napasna.



Magtabla sowa-mamatun maka mbo' kahumbu. Min kawasa Magpapanjari angkan makapaglahat saga manusiya!
ma Siasi sampay maganak-mpu'. Ya na kitam tubu' Siasi itu. Tammat!



<http://creativecommons.org/licenses/by/4.0/>

You are free to make commercial use of this work.

You may adapt and add to this work.

You must keep the copyright and credits for authors, illustrators, etc.

Apps min Kauman Sama Online (Scan QR Code with Camera)

Library Sinama



<https://bit.ly/librarysinama>

Sinama Dictionary



<https://bit.ly/Sinama-Dictionary>

Magbassa Kitam! Kalangan Onda'-Iskul



<https://bit.ly/magbassa>



<https://bit.ly/kalangan-iskul>

SULAT KASEHE'AN MIN LIBRARY SINAMA

Book Onde'-Onde'

Maglunsulan
si Ko-Lason



Ambaw Deya
maka
Ambaw Da'ira



Si Abunnawas maka Halimaw



Ai To'ongan Abuhat?

OMANG



Si Dah'kka maka Si Dampät



- Ai To'ongan Abuhat
- Amaleyang Kita Taguri'
- Ambaw Deya maka Ambaw Da'ira
- Angalingu si Ero' Talun
- Anganom Tepo si Ina'
- Bisita ma Sangom
- Bohe'-Botong
- Maglunsulan si Ko-Lason
- Magsarang-Sukul Kita!
- Magtuhun Kita!
- Omang
- Sai Nakura' Daing?
- Si Abunnawas maka Halimaw
- Si Dah'kka maka si Dampät
- Si Kalbaw maka si Kallo'
- Si Korona Bayrus
- Sowa-Mamatun maka Kahumbu
- Tambal ma Pagtangis si Usa
- Usulan Duyung

Kissa



Magbono' Kuyya'
maka Kaba'-Kaba'

Biraddali maka Si Bebang



Kata-Kata Tohongan

Milikan Gabul Mata



Buli' Kap

- Biraddali maka si Bebang
- Buli' Kap
- Daing Dagan Suhut Buli'an
- Kata-Kata Duyung
- Kata-Kata Luku'-Itingan maka Kulampera'
- Kata-Kata si Mbo' Buwaya maka si Budjang Kuyya'
- Kata-Kata Tohongan
- Kuyya' maka Kula-Kula
- Lum'ngngan si Abunnawas Mariyata' Kayu
- Magbono' Kuyya' maka Bät
- Magbono' Kuyya' maka Kaba'-Kaba'
- Magkosog-kosogan Kuyya' maka Baliyu
- Manuk Keyat
- Milikan Gabul Mata
- Si Abunnawas maka Kalbaw
- Si Abunnawas maka Pagtaluhan Sultan
- Si Buta, si Bisu, si Libat, si Pukul
- Si Habagat maka si Llaw

BOOK ITU BAY MIN KAUMAN SAMA ONLINE: SINAMA.ORG